

Boazodoalu ja luondduealáhusaid ráhkadusdoarjagiid ohcan rahpasa – buot ohcamušat Lappi EJB-guovddáži

Boazodoaluin ja luondduealáhusaiguin bargit sáhttet dán beaivvi rájes ohcat investeren- ja álggahandoarjagiid Lappi EJB-guovddáži. Nuorra ealáhusbargi álggahandoarjja ohccojuvvo [skoviin 3549](#), investerendoarjja [skoviin 3561](#), loatnalohpádus [skoviin 3549L](#) ja stáhtadáhkádus [skoviin 3562](#). Skoviid sáhtá viežžat čujuhusas: http://www.mavi.fi/fi/tuet-ja-palvelut/porotalous-ja-kolttalain-mukaiset-tuet/Sivut/poro_ja_luontaiselinkeinojen_tuet.aspx

Boazodoalu ja luondduealáhusaid ohcan lea álgobáliid vejolaš dušše báberskoviiguin. Ohcama sáhtá dahkat maid maŋŋel elektrovnnalaččat Hyrrä (sámás: Hummu) –áššiiddiksunbálvalusas. Ohcan lea bistevaš, muhto mearrádušat dahkkojuvvot doarjjaáigodagaid mielde. Dál johtui boahtti doarjjaáigodat nohká 15.9. Mearrádušdahkan álgá áramusat 16.9. ja doarjagiid máksin áramusat jahkemolsumis. Doarjagiid ohcan nuortalašlága mielde rahpasa boahtte vahku.

Álggahandoarjagiid sáhtá fas ohcat

Álggahandoarjagis lea ođas dat, ahte dálloalu sáhtá álggahit iežas ovddasvástádusain dakkaviđe, go álggahandoarjjaohcamuš lea johtáhuvvon Lappi EJB-guovddáži. Doarjja galgá ohccojuvvot ovdal go ohcci deavdá 41 jagi.

Ođđa doarjjahápmi vuollel 40-jahkásaš boazoeaiggádii, geas leat 50-79 eallit guđdon bohcco, sáhtá mieđihuvvot doarjja bohccuid ja meahccefiervvuid háhkamii. Doarjaga oažžuma várás ohcci galgá čatnasit bargat 60 bálgosa dohkkehan bargobeavvi golmmá boazodoallojagi áigge.

Gielká- ja njealjejuvllatdoarjagiidda rievdadusat

Gielkáinvesteremiidda doarjja sáhtá mieđihuvvot golmmá jagi gaskkaid, jos ohcci lea bargan boazodoallojagiid mielde 45 bálgosa stivrra dohkkehan bargobeavvi. Njealjejuvllatinvesteremiidda sáhtá mieđihuvvot doarjja njealji jagi gaskkaid, jos ohcci lea bargan boazodoallojagiid mielde 30 bálgosa stivrra dohkkehan bargobeavvi. Muđuid doarjja sáhtá mieđihuvvot viđa jagi gaskkaid. Investerema plánejeaddji ohcci gánnáha váldit vuhtii, ahte investerema ii sáhte álggahit ovdal go EJB-guovddáš lea dahkan áššis doarjjaohcamuša. Ovdamearkka dihte loahpalaš háhkan ii sáhte dahkkojuvvot ovdal doarjjamearrádusa oažžuma.

Stáhtadáhkádusa sáhtá ohcat vuosttaš gearde

Stáhtadáhkádusa sáhtá ohcat dál vuosttaš gearde maid boazodoaluin ja luondduealáhusaiguin bargamii. Ovdal dát vejolašvuohta ii leat leamaš. Stáhtadáhkádusa sáhtá oažžut luondduealáhusaiguin bargamii dárbbášlaš buvttadanvistti huksemii, bohccuid háhkamii ja orrunviesu huksemii.

Stáhtadáhkádus mieđihuvvo dábálaš bájkkoloana dievasmahtti dáhkádussan.
Stáhtadáhkádus sáhtta leat 30 % doarjavuloš doaibmabiju ollislaš ruhtadeamis.
Seamma čuozáhahkii vejolaččat mieđihanvuloš doarjja váldojuvvo vuhtii dáhkádusa
meari mearrideamis.

Ovddit ruhtadanlága ektui eaktodáhtolaš vealgeortnet lea sihkkojuvvon iige doarjja
šat mieđihuvvo eananháhkamii, earret álggahandoarjja.

Lassidieđut Lappi EJB-guovddážis:

Boazodoalu áššedovdi

Päivi Kainulainen

0295 037 038

ovdanamma.goargu@ely-keskus.fi